千字文



《千字文》是中国古代的一篇启蒙读物,由南朝梁代的周兴嗣所作。全文共1000个不重复的汉字,四字一句,对仗工整,易于诵读。内容涵盖天文、地理、历史、道德等多个方面,旨在帮助儿童识字并了解传统文化。 … # 作者简介 **周兴嗣** (469年 - 537年) ,字思纂,吴郡钱唐(今浙江杭州)人,南朝梁代文学家、官员。他因奉梁武帝之命,在一夜之间编成《千字文》而闻名。据传,梁武帝为了教育子侄,命人从王羲之的书法中选取10

周兴嗣

目 录

全文

全文

天地玄黄,宇宙洪荒。

日月盈昃, 辰宿列张。

寒来暑往, 秋收冬藏。

闰余成岁, 律吕调阳。

云腾致雨,露结为霜。

金生丽水, 玉出昆冈。

剑号巨阙,珠称夜光。

果珍李柰,菜重芥姜。

海咸河淡,鳞潜羽翔。

龙师火帝, 鸟官人皇。

始制文字,乃服衣裳。

推位让国,有虞陶唐。

吊民伐罪,周发殷汤。

坐朝问道,垂拱平章。

爱育黎首,臣伏戎羌。

遐迩一体, 率宾归王。

鸣凤在竹,白驹食场。

化被草木,赖及万方。

盖此身发,四大五常。

恭惟鞠养,岂敢毁伤。

女慕贞洁, 男效才良。

知过必改,得能莫忘。

罔谈彼短,靡恃己长。

信使可覆,器欲难量。

墨悲丝染, 诗赞羔羊。

景行维贤,克念作圣。

德建名立,形端表正。

空谷传声,虚堂习听。

祸因恶积, 福缘善庆。

尺璧非宝,寸阴是竞。

资父事君,曰严与敬。

孝当竭力,忠则尽命。

临深履薄, 夙兴温凊。

似兰斯馨, 如松之盛。

川流不息, 渊澄取映。

容止若思,言辞安定。

笃初诚美, 慎终宜令。